

I Z V J E Š T A J

o radu Saveza geodetskih inženjera i geometara BiH,
Podružnica Mostar

Prvi organizovani rad Društva počinje od 1959. godine, u kojem je bilo učlanjeno 14 geodetskih stručnjaka.

1960. godine oformljena je Geodetska sekcija Republičke geodetske uprave i već tada Društvo broji 30 članova. Tada počinju međusobni kontakti, pa su organizovana razna predavanja, a predavači su dolazili iz Beograda, Zagreba i Sarajeva.

1966. godine počinje organizovaniji rad Podružnice, pa se raspravljalo o realizaciji geodetske struke, da se geodetska služba objedini i da bude sposobna da radi veće zahvate u opštini.

1967. godine naš predstavnik putovao je u SR Srbiju, Hrvatsku i Sloveniju da bi se upoznao sa organizacijom Geodetske službe u opštini. Predstavnici naše Podružnice uzeli su aktivnog učešća u organizaciji IV Kongresa Saveza geodetskih inženjera i geometara BiH, koji je održan 1968. godine u Sarajevu.

Imali smo više kontakata sa geodetskim stručnjacima sa teritorije Hercegovine po pitanjima izmjene iskustava i redovno smo se obavještavali o svim savjetovanjima koje je organizovao Savez GIG-a BiH i Jugoslavije. Bili smo često puta domaćini stranim delegacijama koje su posjećivale Mostar.

Značajan doprinos Podružnica je dala organizaciji zasjedanja Saveznog odbora geodetskih inženjera i geometara Jugoslavije, kao i zasjedanju Organizacionog odbora koji je nekoliko puta zasjedao u Mostaru radi savjetovanja o inženjerskoj geodeziji.

Bili smo domaćini o naučno tehničkom savjetovanju o inženjerskoj geodeziji koje je održano od 11 - 13 aprila 1974. godine u Mostaru.

Dobili smo posebno priznanje, jer smo u skučenom prostoru primili veliki broj učesnika.

Početkom 1977. godine obnovili smo Izvršni odbor podružnice kako bi se što kvalitetnije organizovali i dali svoj doprinos ugledu struke.

Kako se u posljednje vrijeme osjeća velika potreba za katastrom podzemnih instalacija i uređaja u martu 1977. godine organizovali smo predavanje na temu: Katastar podzemnih instalacija i uređaja. Na tom predavanju pozvali smo geodetske stručnjake iz cijele Hercegovine, kao i iz Sarajeva.

Predavanje je uspjelo, jer su izloženi radovi te vrste.

Uz to predavanje prikazan je film o izgradnji HE na Rami i učešće geodetskih stručnjaka na tim poslovima.

U tom periodu posvetili smo mnogo pažnje da sve geodetske stručnjake učlanimo u Savez GIG-a i postigli smo zavidne rezultate.

Drugo predavanje održano je u februaru 1978. godine, Evidencija nekretnina u društvenoj svojini. Na tom predavanju bilo je riječi o neriješnim predmetima i evidenciji nekretnina u društvenoj svojini i geodetskim normama.

Izabrali smo dvije komisije koje će tu problematiku obraditi i dostaviti svoje prijedloge svim opštinama na teritoriji Hercegovine, kako bi ovaj problem krenuli sa mrtve tačke.

U posljednje vrijeme mnogo smo raspravljali o Statutu podružnice i Saveza, a kroz čitav period učestvovali smo po pozivima u radu predsjedništva Saveza GIG-a BiH i akcijama koje je to predsjedništvo organizovalo.

Malo smo imali izmjene iskustava sa rukovodstvom predsjedništva iako su Mostar posjećivali pojedini članovi predsjedništva.

Nadamo se da će taj problem riješiti delegatski sistem.

U Podružnicu je učlanjeno oko 70 geodetskih stručnjaka u gradu Mostaru, a iz Bileće, Gruda, Čitluka, Ljubuškog i Prozora 20 članova.

U dogovoru smo sa ostalim opštinama sa teritorije Hercegovine da i ostale članove učlanimo.

Na svojim sjednicama IO raspravlja o organizaciji Društva i struke.

MILAK ŠEFIK